


V.Prof.dr. Vedad Islambegović, dipl.ing.arh.  
Doc. dr. Lejla Kreševljaković, dipl.ing.arh.  
Doc. dr. Isra Tatlić, dipl.ing.arh.



VIJEĆE  
03.12.2024.

**PREMA:** Vijeću Arhitektonskog fakulteta Univerziteta u Sarajevu

**PREDMET:** Izveštaj Komisije za pripremanje prijedloga za izbor saradnika u zvanje višeg asistenta za naučnu oblast "Arhitektonsko projektovanje" – 1 (jedan) izvršilac, na određeno vrijeme sa punim radnim vremenom.

Odlukom Dekana Arhitektonskog fakulteta Univerziteta u Sarajevu broj: 04-01-1341/2-24 od 29.11.2024. godine za izbor saradnika u zvanje višeg asistenta za naučnu oblast "Arhitektonsko projektovanje", 1 (jedan) izvršilac, imenovana je Komisija za pripremanje prijedloga za predmetni izbor u sastavu:

1. V.Prof.dr. Vedad Islambegović, dipl.ing.arh. – predsjednik,
2. Doc. dr. Lejla Kreševljaković, dipl.ing.arh. – članica, i
3. Doc. dr. Isra Tatlić, dipl.ing.arh. – članica.

Imenovana Komisija u skladu sa članim 112., tačka b). Zakona o visokom obrazovanju Kantona Sarajevo („Sl. Novine Kantona Sarajevo“, broj: 36/22); Vijeću Fakulteta podnosi slijedeći

### IZVJEŠTAJ

Komisija je na osnovu Potvrde broj: 05-1136/1-24 od 26.11.2024., sastavljene od strane Sekretara Arhitektonskog fakulteta (Univerzitet u Sarajevu), informisana o blagovremenosti i broju pristiglih prijava. Na osnovu prethodno navedenog dokumenta, kao i na osnovu uvida u pristiglu dokumentaciju, Komisija zaključuje slijedeće:

- Na konkurs objavljen na Web-stranici Arhitektonskog fakulteta Univerziteta u Sarajevu i u dnevnom listu "Avaz" dana 07.11.2024. godine u propisanom roku prijavio je se 1 (jedan) kandidat i to:

Armin Kešo, MA dipl.ing.arh.,

Na konstituirajućoj sjednici Komisije, izvršeno je otvaranje pristigle prijave, te je utvrđeno da je ista potpuna i uredna u skladu sa konkursom, kako se i navodi u Potvrdi broj: 05-1136/3-24 od 29.11.2024, a koja je sastavni dio ovog izvještaja.

Uvidom u dostavljenu dokumentaciju Komisija je izdvojila slijedeće biografske podatke za prijavljenog kandidata:

**Kandidat Armin Kešo** rođen je u Sarajevu 09.03.1990., gdje je stekao osnovno i srednjoškolsko obrazovanje. Na Arhitektonskom fakultetu Univerziteta u Sarajevu je stekao zvanje

Bakalaureat/Bachelor inženjer arhitekture Arhitekture, te zvanje Magistar arhitekture – diplomirani inženjer arhitekture, sa ocjenom završnog magistarskog rada 10.

**U biografiji kandidat navodi sljedeće iskustvo u pedagoškom radu:**

- Demonstrator na Arhitektonskom fakultetu na predmetima Slobodno Crtanje 1, 2, 3, 4 od 2013 do 2014
- Demonstrator na Arhitektonskom fakultetu na predmetima Projektovanje stambenih objekata 1, 2 i 3 u periodu od 2013. do 2014. godine.
- Stručni saradnik na Arhitektonskom fakultetu na predmetima Slobodno Crtanje 1,2,3,4 u periodu od 2015. do 2016. godine
- Asistent na Arhitektonskom fakultetu na predmetima u sklopu Katedre za arhitektonsko projektovanje na predmetima Projektovanje 2, Projektovanje 3, Projektovanje 4, Projektovanje objekata turizma i ugostiteljstva, Objekti za djecu predškolskog uzrasta, Projektovanje minimuma u periodu od 2020 do 2024

**Po pitanju angažmana u struci, u biografiji kandidata se navodi sljedeće:**

CEO start-up biznis projekta pod nazivom ARQUA u sklopu start-up programa Mozaik Fondacije iz Sarajeva.

Biznis ideja je dobila nagrade u fazama razvoja zbog snage društvenog utjecaja. Naime, radi se o tehničkom proizvodu koji reguliše i omogućava maksimalnu moguću kvalitetu čistoće i pritiska pitke vode u domaćinstvu. Biznis ideja je stala u daljem razvoju zbog nedostatka sredstava za dalja ulaganja u proizvodni proces.

Honorarni rad u birou GrupaArh u Sarajevu u periodu studiranja u drugom ciklusu na Arhitektonskom fakultetu u Sarajevu

Rad na konceptu, 3D modeliranju i renderingu, te 2D nacrtima na nivou idejnog projekta za sljedece projekte:

- Abu Dhabi Tower design – Idejni projekat
- Klub 1 u Sarajevu - izrada konceptualnih 2D nacrti.
- Poslovni objekat – Hrasno Polje, konceptualni nacrti, 2D i 3D sa vizualizacijom.
- Adaptacija Internacionalnog aerodroma u Sarajevu - rad na idejnom projektu, 2D nacrti i vizualizacija.

Dvogodišnji rad u projektnom birou Trust Engineering and Management - filijala u Sarajevu:

Rad uključuje izradu projektne dokumentacije na nivou konceptualnog razvoja ideja, idejnim i glavnim projektima, uključujući potpuni angažman na svim fazama projekata enterijera i eksterijera. Izrada slobodnoručnih nacrti, 3D modela i fotorealističnih rendera, 2D nacrti u AutoCAD softveru te BIM projektne dokumentaciju na nivou glavnog projekta u ArchiCad softveru. Rad na sljedećim projektima:

- Adaptacija stanova - Učešće u iscrtaivanju projektne dokumentacije zajedno sa timom. Izrada fotorealistične vizualizacije.
- Pedestrian Bridge Doha - Konceptualni dizajn pješačkog mosta koji prelazi preko glavne magistrale u Dohi, Qatar

- Urban plan for Doha residential area – Konceptualni prijedlog urbanističke situacije stambene zone u Dohi, Qatar.
- Doha Tower design – 2D crteži i 3D modeli nekolicine visokih objekata u Dohi, Qatar na nivou idejnog i glavnog projekta.
- Učešće na internacionalnom konkursu u Zenici – Administrativni i poslovni objekat (Općina) 2017. godine. Učešće u iscrtavanju projektne dokumentacije zajedno sa timom. Izrada fotorealistične vizualizacije.
- Koenigsegg showroom Doha – Idejni projekat showroom prostorije za auto kompaniju Koenigsegg u Dohi, Qatar
- Al Afwazz Doha Fish Market – Idejni projekat riblje tržnice u području Al Afwazz u Dohi, Qatar. Izrada 2D i 3D priloga.
- Doha Elementary School Design – Konceptualni dizajn osnovne škole u Dohi, Qatar, nakon čega je prijedlog usvojen i u fazi je razrade glavnog projekta. Učešće u iscrtavanju projektne dokumentacije zajedno sa timom. Izrada fotorealistične vizualizacije.
- System Verification i Reinvent workspace Sarajevo – Enterijer dizajn poslovnog prostora firme System Verification u objektu Grawe osiguranja. Angažman uključuje konceptualni dizajn, vizualizacija, te izrada projektne dokumentacije sa timom.
- Sarajevo Residential Tower design (konceptualni dizajn stambenih tornjeva na lokaciji Pofalići.)
- Tupperware Sarajevo – poslovni prostor - enterijer dizajn (Lokacija – Otoka, objekat Meandar -prizemlje). Učešće u iscrtavanju projektne dokumentacije zajedno sa timom. Izrada fotorealistične vizualizacije.
- Luksuzna Vikend kuća - Nišići – Samostalan rad na konceptualnom, idejnom i glavnom projektu u BIM formatu, za privatnog investitora.
- Adaptacija kabineta za japanski jezik na Filozofskom fakultetu u Sarajevu
- Glavna Tržnica u Odžaku - Učešće u iscrtavanju projektne dokumentacije zajedno sa timom.

Osnivač i glavni arhitekta arhitektonskog biroa MAPA studio d.o.o. od 2022. godine.:

Projektovanje uglavnom stambenih objekata te adaptacije stanova i poslovnih prostora. Dizajn namještaja, proizvoda i grafički dizajn.

Uz pedagoški rad i iskustvo u struci, kandidat navodi i dodatna iskustva, te sportske uspjehe.

#### **Dodatna iskustva**

- Voditelj škole arhitektonskog slobodnog crtanja u sklopu International Summer School "Youth and heritage" Stolac, 3 godine uzastopno od 2015. do 2018. godine.
- Ilustrator preko 50 ilustracija za knjigu dr. Sabire Husedžinović koja obuhvata predmet sakralne arhitekture BiH. Knjiga je u procesu izdavanja.
- Indie game developer, osnivač grupe pod nazivom Moon Relic u kojoj obnaša funkciju režisera, kompozitora, animatora i ilustratora za autorsku igru pod nazivom Ringtale koja osvaja nominacije za najbolju igru na regionalnim i internacionalnim konferencijama.

### Sportska dostignuća:

Ukupno 16 godina bavljenja karate sportom, sa postignutim državnim, i međunarodnim priznanjima i osvojenim medaljama. U smislu napredovanja, ostvaren rezultat Crnog pojasa 1. DAN u uzrastu od 16 godina. Član kadetske reprezentacije BiH sa ostvarenim sljedećim bitnim rezultatima:

- višestruki državni prvak u kategoriji kate pojedinačno
- viceprvak Balkana u kategoriji borbe pojedinačno
- prvak Balkana u kategoriji borbe ekipno
- mnogobrojna priznanja na ostalim turnirima i takmičenjima u različitim kategorijama.

U biografiji, kandidat tvrdi da odlično poznaje engleski jezik, te Francuski i Njemački jezik djelimično. Prema podacima iz biografije kandidat posjeduje zadovoljavajuće digitalne vještine i to u slijedećim programima:

- Adobe Photoshop
- Adobe Illustrator
- Adobe Acrobat Reader Pro
- Adobe Lightroom
- Autodesk AutoCad
- Autodesk Sketchbook pro
- ProCreate
- Graphisoft ArchiCad
- Trimble Sketchup Pro
- Unity
- Vray
- Lumion
- Cinema 4D
- AI alati
- Microsoft Office Power Point
- Microsoft Office Word
- Microsoft Office Excel
- Windows i OSX platforme

Prosječna ocjena kandidata po pitanju prvog ciklusa studija, drugog ciklusa studija, obaveznih predmeta Katedre za arhitektonsko projektovanje i izbornih predmeta Katedre za arhitektonsko projektovanje je prikazan u tabeli koja slijedi:

Prosječna ocjena prvog ciklusa studija	8,00
Prosječna ocjena drugog ciklusa studija	8,00

Prosječna ocjena obaveznih predmeta Katedre za arhitektonsko projektovanje	8,39
Prosječna ocjena izbornih predmeta Katedre za arhitektonsko projektovanje	8,75

#### PRIJEDLOG SA OBRAZLOŽENJEM

Obzirom na priloženu dokumentaciju kandidata, nakon detaljnog pregledanja i analize, uzimajući u obzir nastavni i stručni rad Armina Keše Komisija je zaključila da se radi o kandidatu sa značajnim nastavnim i profesionalnim iskustvom te izraženim interesom za pedagoško-istraživački rad.

Uzimajući u obzir navedene činjenice, provedene analize i prezentovanu evaluaciju, na osnovu teksta raspisa Konkursa za izbor saradnika u zvanje višeg asistenta za naučnu oblast „Arhitektonsko projektovanje“, 1 (jedan izvršilac), raspisanog na osnovu Prijedloga-odluke Vijeća Univerziteta u Sarajevu – Arhitektonskog fakulteta broj 04-01-1133/2-24 od 15.10.2024. godine i Odluke o saglasnosti Senata Univerziteta u Sarajevu broj: 01-4-30/24 od 30.10.2024. godine, a u skladu sa članom 112. tačka b) Zakona o visokom obrazovanju Kantona Sarajevo („Sl. Novine Kantona Sarajevo“, broj: 36/22), Komisija jednoglasno predlaže Vijeću Arhitektonskog fakulteta Univerziteta u Sarajevu **da se kandidat:**

**Armin Kešo-Magistar arhitekture – diplomirani inženjer arhitekture,  
izabere u zvanje višeg asistenta za naučnu oblast "Arhitektonsko projektovanje".**

V.prof. dr. Vedad Islambegović, dipl.ing.arh, - predsjednik

Doc.dr. Lejla Kreševljaković, dipl.ing.arh.– član

Doc.dr. Isra Tatlić, dipl.ing.arh. – član

Sarajevo, 03.12.2024. godine

# UNIVERZITET U SARAJEVU-ARHITEKTONSKI FAKULTET

Broj: 05-1136/3-24

Datum: 29.11.2024. godine

Na osnovu člana 255. Statuta Univerziteta u Sarajevu, broj: 01-14-35/23 od 26.07.2023. godine, Stručna služba Univerziteta u Sarajevu-ArHITEKTONSKOG fakulteta, izdaje slijedeću,

## P O T V R D U o potpunosti (urednosti) pristiglih prijava

Kojom se potvrđuje da je:

1. Raspisan Konkurs za izbor:
  - Saradnika u zvanje **višeg asistenta** za naučnu oblast: „**Arhitektonsko projektovanje**“, 1 (jedan) izvršilac na određeno vrijeme, sa punim radnim vremenom na osnovu Prijedloga-Odluke Vijeća Univerziteta u Sarajevu-ArHITEKTONSKOG fakulteta broj: 04-01-1133/2-24 od 15.10.2024. godine i saglasnosti Senata Univerziteta u Sarajevu, broj: 01-4-30/24 od 30.10.2024. godine.
2. Da je Konkurs objavljen na Web stranici Fakulteta i UNSA, te u dnevnom listu “Dnevni avaz” dana 07.11.2024. godine.
3. Na Konkurs se blagovremeno prijavio 1 (jedan) kandidat i to:
  - Armin Kešo, dipl.ing.arh.
4. Na konstituirajućoj sjednici Komisije, izvršeno je otvaranje pristigle prijave, te je utvrđeno da je ista potpuna i uredna u skladu sa konkursom.
5. Ova Potvrda će predstavljati sastavni dio Izvještaja Komisije za izbor u zvanje.

SEKRETAR FAKULTETA



Sanela Đogić, dipl.pravnik

Dostaviti:

-Dekanu

-Komisija za pripremanje prijedloga za izbor

-a/a